


四明叢書

張宗祥



徐偃王志

四明張氏約園開雕

徐偃王志序

世稱徐偃王有聖德好仁義以是而亡其國於是惜之者曰此有德守而無力備詆之者曰仁而無權又曰爲義而滅噫此野人之言不通之論也夫修德行仁義之君世有道則天子命爲方伯連率諸侯畏懷世無道則夏夷率服天與人歸王猶反手未聞有聖德行仁義不收其效而反至於亡國者也然則偃王之所爲豈求亡之道乎偃王之亡其國豈天之訖命民之離德乎然則徐國雖小豈楚能滅之乎吾以爲徐之國非人之所能

亡之也特爲偃王者不欲自有其國乎蓋以爲徐非險國也則固有海岱之險淮水之阻以爲徐非大國也則譬之蜂蠆有毒困獸猶鬪以爲徐有土而無人也內則民力可用溝通陳蔡之間何至於城郭不修兵甲不完外則三十有六國輔車相依何患乎楚二廣之競一國之旅孟子曰以德行仁政者王王不待大故其本志曰威德日遠有明徵也且昔楚王孫厲諫莊王之伐徐也曰以徐敵楚如石之投卵虎之啗豚耳然則以楚人與徐人戰則徐必勝而楚必敗可知也何況三十六國之

相依者甯有坐視而不救之也哉夫揆之以情度之以理在徐無可亡之機而卒以亡者向非偃王之自亡其國而何以若是曷以爲自亡之也曰以爲楚伐之也則如太王之避狄以爲周命楚伐之也則如泰伯之讓商此偃王之志卽偃王之至德也而或者傳會其說以爲知仁義而不知時且深論之以爲治國者以名號爲罪此非特不知偃王且顯誣乎堯舜禹湯文武立政之道也厥後周秦之際迄於漢言修德行仁義者往往以偃王稱旣沒世而人思慕之蓋決非偶然者況乎國祚

終延則信乎明德之有後已晉時有偃王志不知撰自
何人今亡之矣王墓在鄆縣東鄉徐子時棟其苗裔也
輯記傳之載偃王事者爲偃王志可謂數典不忘其祖
抑表揚盛德聖人之教也爰卽管見之所窺者論次之
以爲之敘鎮海姚燮

徐偃王志序

典午之世有徐偃王志作者何人無可攷而其書亦亡
唐韓愈作徐偃王廟碑以爲天於柏翳之緒非偏有厚
薄施仁與暴之報自然異也於是天下始知偃王之行
仁義子孫繁盛而其事蹟則往往未之詳焉鄞藝文志
錄徐偃王志六卷爲徐柳泉先生作余欲求之不可得
一日其從孫正達袖是志示余余大喜過望乃盡半月
之力爲之讐校由此益知偃王之終始而春秋時之徐
有三未可混言之也昔羅氏泌撰路史多據讖諱以說

皇古本不足信卽以徐事論因水經注之誤而造徐調之名因宋康之誤而造徐康之謚因史記之誤而造徐姬之姓志中一一辨證其尤可貴者也夫古今無不亡之國暴戾眦睚視人民如草芥雖存亦亡修德行仁棄土地如敝屣雖亡亦存朱氏緒曾曰偃王避楚之鋒不忍鬪其民其後嗣守土不絕迄今數千年半姓無聞而徐氏繁衍此本昌黎之說也然則有國有家者可以鑒矣志分爲六曰記事上曰記事下曰世系曰地理曰家廟曰論說凡經傳子史預斯有益悉皆鈔內論辨尤必

折衷至當非良史才能如是乎昔在明初有朱伯賢右
者見漁洋書跋嘗著邾世家一書雜采春秋三傳爲之朱爲
邾後孝子慈孫不忘所自其意一也正逵鄭重遺稿保
持弗失使余得校而刻之不亦重可敬歟民國三十四
年一月後學張壽鏞序

徐偃王志序

不行仁義而國滅者有矣未有行仁義而滅者也仁義之效大則以王小則以霸行之一身施之一國天下歸之萬世賴之古稱偃王仁義亡國是大不然偃王避楚之鋒不忍鬪其民其後嗣守土不絕迄今數千年百姓無聞徐氏繁衍偃王之廟俎豆侑侑無他仁義之澤長也八駿之說影附穆天子傳然所謂馳驅千里入於宗周獨無伐徐事譙周疑之是矣雖然徐不叛周而偃王有大功於周楚攻徐以弱周而徐奉周以抗楚南征膠

舟昭王不復穆滿錫命徐伯俾扼漢東之吭西巡萬里
楚將逞焉三十六國服徐仁義彤弓朱矢如凜天威穆
王歸豐鎬偃王因楚之師去之海上荆人入徐天子赫
怒乃命毛伯撻伐蠻荆以徐我周之藩輔也偃王歿而
徐戴周之心愈堅春秋時徐以女妻齊桓公是爲夫人
徐嬴爲之取舒以通伐楚之道又與之伐厲伐英氏助
桓之霸以尊周室管夷吾述徐伯之言以告桓公有曰
內和外均諸侯臣伏受其幣帛以懷其德卽偃王仁義
之訓也葵邱五命不外斯旨誰謂仁義以亡國哉宋襄

戰泓傷股爲天下笑偃王其始也有桓文之勳其終也
有共和之讓惟知有仁義而已鄞孝廉徐君柳泉作偃
王志備述祖德刊正史繆余敬而服之更爲引伸其說
以警人之賊仁義者明仁義無不可爲也時道光戊申
十二月金陵朱緒曾述之謹序

徐偃王志卷一

裔孫鄣徐時棟述

記事第一上

遂古之初有少典氏國焉少典娶於有蟠爰產軒轅是爲黃帝實姬姓

〔攷證〕國語晉語曰昔少典娶於有蟠氏生黃帝炎帝
○大戴禮五帝德曰黃帝少典之子也曰軒轅○又
帝繫曰少典產軒轅是爲黃帝○史五帝本紀索隱
曰少典者諸侯國號○晉語曰黃帝以姬水成故黃

帝爲姬

黃帝元妃嫫祖產青陽青陽方雷氏之甥也厥名曰質
是爲少昊實己姓

攷證大戴禮帝繫曰黃帝居軒轅之丘娶於西陵氏
之子謂之嫫祖氏產青陽及昌意青陽降居泚水○

山海經海內經曰黃祖娶雷祖○世本曰黃帝娶於

西陵氏之子謂之嫫祖產青陽及昌意

山海經海內經郭注引

○史五帝本紀曰嫫祖爲黃帝正妃生二子其後皆
有天下其一曰少昊是爲青陽○國語晉語曰青陽

方雷氏之甥也○周書嘗麥解曰黃帝執蚩尤殺之

於中冀乃命少昊清司馬鳥師以正五帝之官故名

曰質

按曰清原作請誤也張衡集引曰乃命少昊清

○世本曰黃帝生元囂

尚書舜典正義引

宋衷注曰元囂青陽即少昊也

史五帝本紀素隱引

○世本曰青陽即是少皞黃帝之子代黃帝而有天

下號曰金天氏

左昭十七年正義引

○晉語曰黃帝之子二十

五人其同姓者二人而已惟青陽與夷鼓皆為己姓

○世本曰己姓出自少皞

左昭十七年正義引

少昊之裔娶帝顓頊之裔女修女修方織元鳥隕卵取

而吞之生子大業大業取少典氏曰女華生大費是爲
伯翳佐禹治水海外山表靡遠不至是著山海經逮禹
告成功於舜曰非予能成亦大費爲輔舜是錫之卅玉
妻之以姚命之曰咨爾費贊禹功其賜爾阜游爾後嗣
將大出大費爲舜虞能議百物鳥獸咸若實始錫爲虞
姓

〔攷證〕史秦本紀曰帝顓頊之苗裔曰女修女修織元
鳥隕卵女修吞之生子大業大業取少典之子曰女
華女華生大費與禹平水土已成帝錫元圭禹受曰